

憤怒•新罪的誕生[七罪][魔法] (逢星期一、三、五更新)

作者: 用小說來發洩的男人

序

萬物從一出生開始，罪就跟隨而來

不管是人還是神，罪都會存在在他們的心中

這些罪分別為傲慢、嫉妒、懶惰、貪婪、暴食、色慾以及憤怒，世人稱它們為

七罪

第一章：不明的聲音

「叮~叮~叮.....」

已經響左十幾次嘅鬧鐘終於提醒左我，今日係要返學架。

仆街！又遲到添，唉早知琴晚就唔打飛機啦，搞到而家唔知醒，仲要腳都軟埋，陣間點跑返學啊，唉唔係啦，叫定啊媽幫我請半日假穩陣啊，仲可以訓多半日先返，屌咁都比我諗到，真係醒。

「喂，啊媽，幫手請半日假，江湖救急啊！！」

「你個衰仔，琴晚又肆係到打飛機，搞到今日唔知醒返學啦。」

我聽到當堂嚇到個心都離一離

「屌你啊！你又知我係到打飛...打機嘅，你係我間房裝CCTV啊？！」

「扮乜野打機啊，洗鬼裝乜C咩AV咩，你個啲啊~啊~聲大到呢，係出面都聽到啦，唔好以為關左門人地就咩都唔知先得架，仲有啊，叫左你平時唔好打咁多架啦，又傷身又傷心啊，好好地搵返個女仔拍拖咪幾好囉，打飛機都唔洗自己落手落腳咩嘛，仲有啊，你...」

唉仆街囉，咁都比人聽到，睇泥我打飛機嘅技術仲有待提升，都係要打多啲練習下

先得，咪啦，擇日不如撞日，反正有半日，上床撚返兩手先。

講左咁耐都未介紹自己添，細路叫七刃，係一個港日混血兒，所以個名都日日地，仲要成日比人話中二，都唔知係咪同啊爸有仇，改啲咁嘅名比我，唉無計啦又唔係我改嘅，身高175，平時最中意就係打機，唔識飛個隻啊(雖然都成日打)，係一個典型嘅矮毒肥，啊媽仲話叫我拍拖啲，打撚咩，人地就高富帥，我就.....唉，這™的人生啊~~

撚完雀，時間尚早，打返場機先，一開LOL就見到個陌生人邀我1on1，睇一睇佢個戰績「哇屌，牌都無，咁撚廢都邀我1on1??佢食錯藥啊??」

我好情不自禁咁鳩叫左出嚟，不過無計啦，本住虐得唔好曬嘅心態，仲要係佢挑我機，循例上都要屌打下佢，相信我嘅實力都唔會輸嘅。

不過本來應該係一場實力懸殊嘅對決，竟然打左足足成個鐘。

「哇我屌啊，假新炸下話，咁撚勁嘅，假假地我都係菁英啊(冇錯，我係菁英，我係菁英，我係菁英，重要嘅野要講三次)，無可能要打咁耐架啲，唔通佢係Faker開新ac?屌鷓鳩，認真啲打爆佢先。」

處於鷓鳩狀態下嘅我無比認真同專注，終於係十五分鐘後打贏咗佢。唉死啦，比啲FD見到我打個新手(?)都打咁耐，一定笑死我啦。

「你...憤...憤怒嗎?...你...你想...世界.....破滅嗎?」

突然之間有一種斷斷續續嘅老牛聲音直接傳入我嘅大腦裏面，我嚇到J都縮埋一舊，即刻講左句

「邊撻個，夠薑出泥隻揪！！！」

不過緊係呢頭講完個頭就後悔啦，如果對方係個大隻佬嚟架呢？唔夠揪架啎，不竟我都係講就凶狠，做就碌撻，都係講定句sorry穩陣，廢事人地真係衝過泥打鳩我。

「大佬對唔住啊，我錯啦，咪打鳩我啊！」

「你...憤...憤怒嗎？...你...你想...世界.....破滅嗎？」

「吓？」

「你...憤...憤怒嗎？...你...你想...世界.....破滅嗎？」

屌，咩料啊，我係咪開錯咩網定睇得av多中左毒啊？？我完全反應唔到，o曬嘴咁坐左係到。

不過我好快就意識到呢個係一個惡作劇，因為‘佢’只係識講呢句說話，之但係呢句說話就好似有一種力量驅使我去失控咁樣，我一路聽，一路沉迷落去，失去控制

嘅我對世界所有嘅事都有一種講唔出嘅憤怒，無論係現時嘅社會，甚至係啊媽一句說話，都足以令我情緒爆發，變得一發不可收拾。

「所.....所有人都應該要死！！」

失控嘅我內心不斷咆哮，空洞嘅眼神望住啊媽無辜嘅背影，隻手慢慢咁攤起左把較剪，有一種衝動想令到佢消失。

可幸嘅係，手機突然響起嘅鈴聲將我由空洞嘅狀態下抽離反到現實。

唔真實嘅感覺伴隨著急速嘅呼吸聲緩解落泥而消失，但我都唔夠膽多諗，即刻將關左電腦佢，希望關電腦嘅同時可以將頭先所發生嘅事都忘記。直到啊媽過泥叫我返學，我先可以分神去其他地方。

不過再望一望隻錶，唔望由自可，一望就.....唉仆街啦，請半日都可以遲到，屌！！
！

第二章:我的人生出現BUG？

一趕到返學校，咩都唔洗諗，第一時間就緊係對住Miss扮死狗啦。

「Sorry啊Miss，今日肚痛啊，出泥之前又屎忽大爆炸，咁我緊係要順應天命架啦，所以我咪又去多次廁所囉，呢啲純粹係天意，冇錯，一定係天意。靚女Miss啊，天意嘅野冇計架喎，唔洗罰啦，如果唔係會遭天譴架！！」

「天譴下話，天譴你都吹得出，睇你下次仲可以吹到啲咩出泥.....遲到嘅學生好清楚要點做架啦，唔洗我教啊嘛，你都唔係第一次架啦，好心你唔想抄書就做好啲，唔好遲到咪得囉。記得放學之前抄完佢再擺落泥比我啊。咁多位同學由呢一刻開始自修，反正都係得返十五分鐘，咪當比時間我地嘅同學抄下書囉~」

聽到Miss判落嘅聖旨，我當堂頹到爆，唉鬼叫我柒啊，頂硬上，應該都好快抄完姐.....

「喂，啊柒，又抄書啊，哈哈，請半日都可以遲到，啊柒呢個名真係非你莫屬啊，哈哈，笑撚到我呢，咳咳哈。」

「唉，啊好再笑佢啦，我驚再笑佢，聽日A1頭條係用佢做新聞啊，哈。」

呢兩個就係我係學校嘅老死，成個柒頭咁樣嘅個個就係叫智仙，為人一個字，煩，乜都可以講一餐

上至人生中的大道理

下至邊個Miss最好J

只要你唔怕煩，搵佢做朋友一流。

而個個高高大大，運動又叻藝術又勁嘅中五級男神就係傳說中嘅啊卓啦，冇錯，係傳說中嘅男神，點解我會咁叫佢？因為唔單止學生妹會為佢瘋狂，就連學校Miss都對佢有意思，聽講佢仲直頭食埋添，所以係我地男學生裏面，都會叫佢傳說中嘅啊卓。

「屌你兩個啦，首先我個名係叫七！刃，唔係叫柒刃，第二就係我！係！唔！會！自！殺！嘅！，唉今日都唔知咩事，諸事不順。」

「Anyway啦，柒哥，你菁英泥架呵？點...點解上一場LOL同個新手打都用左成個鐘嘅，唔通你...廢左？！」

智仙望住手機版garena，o曬嘴咁問。

「係啊，講起呢樣野，真係講比你聽都唔信啊，一個牌都冇嘅新手，竟然同我打到不分上下，有幾次仲差啲比佢殺添，我認真都要用成個鐘先打得贏，都唔知佢係咩人嚟.....」

「一定係你廢左啦，柒哥，估唔到一個人一日可以柒咁多樣野，你都係呢間學校第

一人囉，柒~哥。好心你柒小陣啦，點解你可以咁.....」

「得啦得啦，夠啦，你好鬼煩啊，啊柒對方係咪假新炸？」

「都係啊卓哥講野實際啲，智仙你學下卓哥啦，不過都係唔好叫我啊柒。老實講好大機會係假新，佢啲技術同概念都唔似新手，甚至可能仲勁過我。」

我諗一諗，好認真咁講。

「唔係呱？勁過你？咁睇泥佢應該係假新想嚟挑戰你。」

「唔單止咁樣，而且仲.....」

「喂，你地又講緊LOL啊，咪講啦，好悶啊~七刃陪下我啦~~」

(唉頂，本來想講把老牛聲嘅野都比人阻Q住囉，真心煩！)

係我身邊阻Q住曬嘅女仔就係我地班嘅女神----芷柔。

大大嘅眼睛好似識得勾走你嘅靈魂咁；雪白嘅42吋長腿囚禁住你隻眼，令你目不轉睛；34C嘅身材吸引唔小嘅男生，好多人都想感受一下佢嘅壓逼感，真正屬於女神

級系列。

「喂，你地三兄弟又係到傾計啊，柒~同學你好得閑咩？唔洗抄書咩？係咪想加下抄嘅次數啊？仲唔快啲抄！！」

「放學先傾啦，個死老野係到阻住曬，傾都有引啦。」

叉仔一路舉住中指一路細聲咒罵。

做學生其中一樣最期待嘅事莫過於就係放學，只可惜今日嘅放學唔關我事。

.
. .
. .
. .
. .
. .
. .
. .
. .
. .
. .

「 Goodbye and thank you Miss ! 」

「咁多位同學再見，就泥考試，你地快啲返屋企溫書啦，知唔知道啊？不過呢，柒~同學啊，你記住要抄埋先好走喎，係咁啦，88。」

Miss個樣奸笑住咁講，頭也不回咁走，真係令人嘔心同憤怒，我嘅內心好不自覺咁諗。

「屌唔撚係啊，仲有成章味抄喎！屌佢個仆街，搵日真係去屌鳩佢個老屎忽先。」

(當然係講笑啦，唔通真係去屌個老人家嘅老屎忽咩)

唯有叫班老死走先啦，無謂要陪我啦，唉... 過左唔知幾耐，終於抄完課文，手邊到好似唔屬於自己咁，好自然咁望一望鐘。

「哇！唔係啊嘛，差唔多成六點啦，大獲啦，仲約左智仙同啊卓打LOL架.....」

突然之間，今朝早個把老牛聲又出現，今次唔同嘅係地方，係一個空無一人嘅課室，而且今次佢唔再係同一句說話，而係.....

「怒，在這個世界裏生活，你.....開心嗎？」

「？」

「哈...哈.....哈哈，幻覺嚟嘅啫嚇我唔到嘅，哈...哈。」

我咩都冇諗到，唔理三七二十一，雞咁腳就跑返屋企。直至返到去先發現到自己嘅雙手一直都係到震，我無多諗亦都唔夠膽多諗，只可以希望呢一切都係我自己太劫，搞到自己幻聽。

「咪啦，廢事自己亂諗野，搵佢地打機先。」

「叮，叮...」

一打開部電腦，就即刻有封email send過泥比我，我不以為然咁打開佢泥睇。

但冇發現到呢封野.....

係冇署名嘅。

「你生活得開心嗎？想冒險一下嗎？」

「吓？咩事.....」生活係呢個世界，就緊係...開.....開心啦...

「你想試一試隨時隨地跟隨你自己的想法去過你的人生嗎？」

哈，呢樣野，係香港到...有機會咩？香港就係一個弱肉強食嘅地方。由細到大，屋企人都叫我生性同讀書，但關於我自己嘅夢想，佢地都只係會話不切實際，強逼我去過住唔屬於自己嘅人生，其他人就只會阿諛奉承或者雪中送屎，學校嘅Miss咪就係樣板囉，咁樣嘅生活，值得我去留戀咩？呢個世界就係咁現實架啦.....如果有機會嘅話，我真心希望可以改變一下我嘅人生同埋我嘅世界.....

「如果係想嘅話，不如等我帶你去我嘅世界，去重生過一次屬於你自己嘅人生啦！」

突然之間有把聲係部電腦到發出泥，就係個一瞬間，我將生平所學識嘅粗口，無論係廣東話，定係普通話，甚至出動埋英、美、法、德、俄、日、奧、義八國聯軍，都無辦法去表達當時個種震驚嘅情緒。

正當我仲想用其他比粗口更粗口嘅詞匯去XY佢嘅時候，我就比部電腦吸左入去

無錯，係啊

係**吸**~左入去啊，你問我點解會知？

.
. .
. .
. .
. .
. .
. .
. .
. .
. .

緊係知啦屌！我望住自己嘅身體一下子比部電腦吸實左，仲要卡住左係個mon到，唉都算啦，入唔到咪諗計囉，又唔一定得一種方法嘅.....你唔洗扯啊話，痛架大佬...
...

電腦聽到我痛苦嘅呻吟聲都冇停到，仲大力啲添，唉仆街買錯mon啦.....

拿...啊媽，今次你個仔我好乖啊，唔係係到打飛機啊~~啊~痛 一講完就終於吸到我入去啦.....

之不過出到去之後嘅情況，都唔係想像中咁好...仲話咩新世界嗰，挑~

望住呢個村落.....

我這人生™的出現BUG啦.....

第三章:異世界嘅法則

望住呢個地方，我都無野好講.....條友講左咁耐，又話咩改變我嘅人生，咁你叫得我過嚟係都比個咩皇帝啊，有錢人啊比我做啦，就算唔係呢啲，假假地你起碼都比我做個咩世界第一啦，話曬我起碼都係菁英啊，菁英啊，你估易啊！頂，得個吹字。

「媽啊，我想返屋企啊！！T.T」

大叫完一句之後，理所當然嘅係無人理我啦，唉既然無辦法返到去理實嘅世界

(係啊，我無諗過可以點返去，點解？懶囉，比部電腦咁吸法，我相信我都無咩方法可以憑自己一人之力走返出去，所以我接受左...)

都要係呢個世界到生活架啦，咁不如參觀下先啦。

這™的就是新手村，同RPG

Game一樣，不外乎都係幾間屋，幾個NPC咁樣囉，不過啲景色又幾唔錯嘅，搞到我有啲想吟返首詩添

「問世間情為何物...直教人生死相許...」

「大哥哥~~」

「屌，邊個仆街阻住我吟詩！！」

正當我係到諗緊阻人扑野要燒春袋，咁阻我吟詩要罰啲咩好嘅時候...

「大哥哥！」

又一句大哥哥好完美咁阻住我FF，將我拉返返泥現實。

我一個施丹原地轉身，睇下究竟係邊個阻我吟詩，係男就殺，係女就姦！！點知原來係一個14-15歲嘅細路女，咁冇野啦...

(有人問我唔係講過係女就姦咩?屌細路女你都搞，無恥!!!)

「大哥哥~你終於醒啦！太好啦，等我同爸爸媽媽他們講先，你快啲返去休息下啦，唔係又暈架啦。」

我聽完佢呢幾句野之後，相信我當時嘅面部表情係相當複雜

「咪住！你話咩話？！我暈左？？唔理呢樣，乜你唔係NPC泥架咩？？點解你會主動同我講野架！！」

「吓，大哥哥你講野咁得意嘅？拿，首先我並唔知到咩叫做弄撒屎，同埋係你係個到大叫我先發現你醒左仲行埋出嚟添。第二，係個日我爸爸係森林發現你暈左，佢出於好心，所以先會搬你返嚟，係呢啲咁嘅村落都會收留一個陌生人，你應該要好好多謝我爸爸啊！」

唔~~咁睇法，你好似有啲失憶㗎，唉唔講咁多住啦，我地屋企就係個面，你返去抖下先啦，我去搵爸爸媽媽啊！」

佢一輪嘴講完之後就頭也不回咁飛奔走左，留低o曬嘴嘅我，如果問題可以當飯食，我諗我呢世都唔會餓.....

身為一個打左十幾年機嘅男人，我好清楚既然係個女仔身上搵唔到我想要嘅資訊，就只可以係其他NPC，啊唔係，係其他人身上搵我想要架野。

於是我走向我係呢個世界見到嘅第一個村落，新手村。

呢到同我想像有啲唔同，第一，我留意到呢到啲人唔係NPC，佢地全部都有自己嘅意識，由佢地嘅對話就可以睇得出。第二，呢個世界並冇我想像中咁簡單...

經過係村落幾個鐘嘅閑逛，我得知呢個世界係以實力為先，只要你有實力，你就可以得到一切，試諗下，只要你實力高強，仲驚比人威脅咩？之但係我所謂嘅實力唔係咩格鬥術，空手道，武術之類，而係魔法。

可惜嘅係，唔係每個人都可以學到魔法，有啲係因為冇錢，有啲就係因為天生對魔法嘅敏感度較低或者係冇，所以導致冇辦法學到魔法，就好似我咁，我就係第二種人，完全冇辦法學習到魔法，以上嘅我都係聽係呢條村生活嘅魔法鑑定師同我講架炸，不過我相信佢唔會老點我嘅。

(點解我知道自己冇得學魔法都咁平淡？我都有諗過要學，咁鸞鳩嘅野都唔想學，都係做個老實商人算啦)

行完一輪，個肚都有啲餓，係時候返‘屋企’搵下野食醫下個肚啦。

「你又去左邊啊？大哥哥~」

估唔到返到去都見到佢呢個死靚妹，頭先都味屌佢賣鳩我自私走...等我屌佢一獲，比個下馬威佢嘆下先@@

「係囉，少年，有傷在身就唔好亂咁走啦，好易傷上加傷架。」

中年人一路同個女仔玩，一路咁講。

(好鬼大隻.....)

好彩佢遇到我，我就最好人嘅，大人不記小人過，原諒個細路女。

「啊哈...哈哈，冇啊，去左行市集姐，哈哈...」

「係呢，講左咁耐都味知你叫咩名添。」

「呃...你叫我七刃得架啦。」

「唔，好名，我叫森達，你叫我啊森就得啦，呢個係我個女，小希，我老婆啊芳。見你嘅生活習慣同我地嘅有啲唔同喎，兄弟，你係異國泥架？」

「呃.....係掛，哈哈...」

香港...都算係異國啦，而且仲要係異世界嘅異國添。

「咁你對魔法呢樣野認識幾多啊？」

「知小小咁啦，都係聽魔法鑑定師講嘅，而且佢仲話我呢世都唔會學到魔法添。」

「吓?!」

砰！成家人都好齊整咁企左係到，唔講嘅話仲以為佢地夾好曬。

「你認真架，小兄弟，你真係學唔到魔法？」

「係.....係啊，做...做咩事啊，咁激.....激動嘅？」

「你唔知道呢個世界魔法就係一切泥架咩？」

成家人又好齊整咁坐返低。

「知啊，但係都有計架，佢都講左我學唔到囉...」

屌，原來係講呢樣野，仲以為咩事嘍，嚇到我褲襠都濕濕地.....仆街！

「咪係囉啊森，而且佢都唔係呢到人，可能異國嘅人唔需要或者冇魔法呢樣野呢！」

啊媽終於開口講野囉，而且把聲幾好J，唔知有冇機會聽到佢同啊森係到xxoo呢@@，屌FF到離左題，返返去先。

「係啊，我個邊都有魔法呢樣野嘅，而且我想做個商人，不過都唔知返唔返到去，唉。」

「原來係咁，咁唔緊要啦，呢排你就住住我地到先啦。嚟，我地唔好再講呢啲野，食飯先。」

「食飯，食飯。」

就係咁，我就係異世界裏面...渡過左我嘅第一日。

第四章：村落的危機

係個到生活左大半個月，呢家人都好照顧我，而我亦都慢慢咁同佢地啲村民熟落咗，大家都會有講有笑，同佢地個女都.....算熟嘅。

「喂！仲唔起身，快啲幫手一齊出去買野啊，死懶豬！」

「大小姐啊~~係邊個琴晚掛住出去玩，搞到唔記得左做家務，而過嚟求我幫佢做架？好叻啊。」

冇錯，我同佢嘅日常就係互嘴，唔係嘴嘴個隻嘴，係嘴炮個隻嘴，所以我都唔知算唔算熟。

「咩.....咩...咩啊，我...我返...返唔切嚟啫嘛，又唔係有心嘅.....你啊，你估你係到白食白住架，都要幫手做野架嘛，唔冇錯，你都要幫手做野，就係咁。」

望住佢尷尬到面都紅曬，鼓起泡腮，都幾可愛啊~~每次望到佢咁樣，我都會自動認輸。

「得得得，你贏，我而家即刻換衫。」

「哼，咁就岩啦！」

好似同平時一樣，呢日都係咁平淡，咁平靜。不過...暴風雨來臨嘅前夕都係咁風平浪靜。

呢日係我同小希要出去買野食嘅一日，只不過今日買食物嘅地方分開左兩邊，我地只好係村口個到分開。

係分開之前，佢問我

「喂七刃...」

「點啊大小姐？」

「異國.....好唔好玩架？」

「吓.....好地地做咩咁問嘅，呃，都幾架，不過好難講比你聽，有機會嘅話我帶你去睇下？」

「真嘅？太好啦，拿我同你約實架啦，唔可以反悔架啫！咁我都應承你，如果你無

人中意，我會照顧你一世架。」
咁係算串我定係點.....

小希伸左隻手指尾出泥，我地用左一種最小學雞嘅方式去做約定，勾手指尾，唔同嘅係當中包含左我地最真摯嘅感情，呢個約定，

我地永世不忘。

根據之前嘅決定，我係會去較遠嘅城鎮到買食物，而佢就會留係市場到買食物。

「咁...咁我走啦。」

「唔！一路平安。」

小希甜絲絲咁笑道。

於是，我就泥到第二個地方，城鎮。

哇~城鎮果然同村落好唔同啊！呢到基本上同香港無咩分別，之不過同香港嘅風氣就完全唔同啦。城鎮比起村落更加先進，而且仲可以見到魔法，不過同我想像中無咩太大分別。

好啦欣賞完就買野啦，廢事遲到要成家人等我一個啦。

村落嘅另一面，一班強盜蓄勢待發，個個摩拳擦掌，等緊老大一聲令下，就會衝入村落進行搶劫任務。

「上，盡情破壞啦~」

「衝啊！！」

村落面臨住一個重大危機.....

「呼，終於買好曬野lu，今餐都算豐富囉，正。」

一路講一路行返返到去村落，不過同之前唔同嘅就係，村落嘅氛圍完全唔同曬，一種不安嘅情緒不斷從內心裏面湧現出嚟。

正當我想加快腳步，睇下村入面發生咩事嘅時候，一個企係村口嘅陌生人令我停低左我嘅步伐。

「呢個係邊個嚟架呢？住左大半個月都未見過佢，而且呢個人一望就知到係強盜啦，個個衰樣柒到呢~隻手仲揸住把豬肉刀，好明顯係睇水架啦，咁姐係話村裏面發生大件事，大獲！！」

呢個情況我要做啲咩好呢...我個腦亂曬，完全諗唔到可以做到啲咩.....

既然出面做唔到野，咁睇下入面發生咩事先再決定我嘅行動會好啲，知彼知己，百戰百勝啊嘛。

慢慢咁行埋去...頂你個肺，大佬叫你嚟睇水，你條仆街係到訓覺？！搞到我行過嚟都就嚟嚇到瀨屎。唔得，要比啲好野你嘆下先得，哈哈。

「喂，醒下啦喂，夠鐘開餐啦~~」

「啊.....啊！唔好啊！！！」

搞掂左出面個個垃圾強盜，就開始進行我嘅潛行大計。

講就話係潛行，其實基本上一個普通人都可以睇到我。好奇怪，呢到並無我預期中血流成河，相反，好平靜，靜到令人反感，靜到令人恐懼。係到行左大半個圈，都仲未發現到一個人，好似全部都消失曬咁，好驚，驚到腳都震埋，但話曬都係照顧左我半個月嘅家人，而且感情都唔錯，我係唔會咁衰仔自私走嘅！

於是我決定跑返屋企，希望佢地無事啦...

果然，都係空無一人.....

「啊~！！！！！」

「?!」

「係小希把聲，大獲！」

我雖然衝動，而且好想救佢地，但係我都唔係一個白痴，好清楚毫無準備到就貿貿然衝入去幫人個啲係叫做自殺，所以我決定都係慢慢咁潛入去，睇下咩情況先。

無錯，我的確好聰明，識得計劃好先再入去，之但係.....

仆街我高估左自己嘅潛行能力。

「喂，係個邊鬼鬼鼠鼠匿埋做乜嘢，出泥啦靚仔，仲避乜啊，見到曬你個柒頭啦。」
「
屌估唔到咁快就比人見到....

「唔...唔係，大佬，你聽我講先啦.....」

「綁起佢！」

頂，都唔聽人講嘅！

好順利，我又衝出嚟柒啦。

「靚仔，之前都未見過你喎，新嚟架？」

「係啊大佬，嚟左半個月架炸，咩都唔知架！」

聽到佢問我野，我即刻好似軍訓咁九秒九答佢，驚答慢一秒就比佢打獲金咁。

「既然係咁.....好，我份人呢就最鐘意玩架啦，哈哈。呢度成村人，你覺得我會點做啊？」

哦，原來佢地將成村人捉曬去呢度，唔怪之得之前唔見曬佢地啦。

「唔.....唔知啊，殺曬佢地？」

「?!」

第五章：罪的誕生

「唔.....唔知啊，殺曬佢地？」

我好不自覺咁講左出呢句野出嚟，而且仲要覺得無咩問題添....

「哇！唔係啊嘛，咁嘅野都講得出口嘅！」

「人渣！人渣！」

講完呢句野，所有村民都圍住我嚟插，一瞬間場景聲勢浩蕩。

「全部人同我安靜！！！！」

老大一聲咆哮，所有人都唔夠膽再有一絲嘅躁動。

直至到所有人都安靜曬，佢先再講

「細路，你都幾直接架喎，好，欣賞你咁直接，而家就比個畀個遊戲你玩，呢到有差唔多成一百人，你可以選擇同我賭番一場，你贏嘅，呢到啲人就唔洗死，之但係你一輸，一百條人命就無架啦，哈哈，點啊細路？」

「吓...吓...」

我望住每一個我識嘅人，佢地嘅性命就掌握係我手上，但係佢就只係當呢個係一場遊戲？咁樣.....好玩咩？就算係唔公平嘅賭局，我又有咩辦法呢？我仲有得揀咩？同佢賭好大機會會死，但唔同佢賭就一定會死.....

「好.....我就同你賭番場，用呢到所有人嘅性命去同你賭番場！！」

「有決心係好事，好，我地就賭下，究竟係我殺得多，定係你救得多！哈哈！」

「吓...咩話？！」我好清楚呢個賭局嘅邏輯好有問題，之但係我可以做到啲咩？畢竟呢個世界有實力嘅人就係皇道。

佢無等我反應，就開始擺起手中嘅斧頭，斬殺無辜嘅村民。

一個又一個嘅人頭係我腳邊碌過，血流成河，哀鳴聲不斷係耳邊演奏住一首又一首嘅奏鳴曲，可惜並唔悅耳，一種無力感油然而生。

如果你問我天堂係點樣，我諗我未必答到你，但係如果你問我地獄嘅風景，我諗，而家嘅我...應該就係地獄嘅.....

「喂，你再無反應嘅話，我就會殺曬呢到所有嘅人架啦，哇哈哈哈哈！！」

聽到佢「善意」嘅提醒，我先識得從死人堆裏面作出反應，開始救人，只可惜一個手無寸鐵，連魔法都唔識嘅垃圾...又可以幫到幾多呢... 情況一面倒，到最後，我救到嘅就只有.....

五個。

呢五個人分別係啊森一家人同埋兩個年輕貌美嘅姐姐。

啊....估唔到我咁冇用....哈.....到最後都得五個人。

「太好啦，我地五個無事啦，無事啦！」

五個人攬埋一舊，好似真係無事咁.... 點解....點解死左咁多人都可以咁開心.....值得開心咩..... 同埋你地覺得自己.....

可以唔洗**死**咩？

「哈哈，恭喜你，好成功咁救到五個人，不過可惜嘅係....你輸左啦。」

無錯，呢場遊戲邏輯好有問題，只要佢殺夠五十一人，無論我救到幾多個，佢都會將救到嘅人殺曬，就正如佢所講，我一輸，所有人都要死。

同埋你認為一個普通人，可以係一班殺人無數嘅強盜入面救到幾多人呢，所以.....呢個賭局我係無勝算，我由一開始就注定係輸。

「咩....咩意思啊？啊芳！放開佢啊！啊芳，啊芳！」

果然..... 啊森發癲癲咁想救佢老婆，換泥嘅就只有毒打，同埋睇住自己老婆慢慢咁被人用斧頭斬甩個頭，驚恐嘅人頭同阿森絕望嘅眼神對望住，相信啊森....已經失去生存嘅勇氣。

個兩個年輕貌美嘅姐姐亦都比一班強盜拖到去叢林裏面，衣服撕碎嘅聲音加上淒美嘅叫聲，亦都代表著佢哋嘅下場都並唔好過。

「喂...喂...唔洗趕盡殺絕啊嘛，佢...細路女泥架炸，停手啦，好嗎？」

我盡最後嘅努力去哀求，希望可以挽回啊希嘅生命，可惜嘅係.....

「細路，佢係...你女朋友啊？咁就唔可以虧待啦！哈哈嚟人，有無玩過夫目前犯啊？比你地試下好無啊，哈哈哈哈！！」

唔好...

唔好啊.....

唔好啊！

停手啊！！！！

「茲~拉~」

啊希嘅裸體慢慢咁呈現喺我面前，或者我無咁講，佢嘅下場就唔會咁慘.....

痛苦嘅表情深深咁印係我腦海入面，我好憎自己，點解無能力救佢地，點解.....

侵犯完之後，啊希嘅惡夢仲未完結，直至到睇住佢啊爸比人用同一個方法殺害嘅時候，佢先至可以永遠咁合上佢嘅眼睛。

點解..... 點解我咁冇用..... 明明同佢約好左架..... 明明我地都係中意大家架..... 點解我救唔到佢..... 點解永遠都係咁.....

「你...想唔想得到力量，去報仇。」

「想嘅，就交你個身體比我。」

一種耳熟嘅聲音傳入我個腦到，呢把聲音令我感到好放心，好安心，就好似見返老朋友咁，令到我好不自覺咁相信佢。

「呢個世界就係咁殘酷 既然你不仁 就唔好怪我不義！」

講完呢句，我就陷入昏迷之中，等待我嘅就只有無盡嘅黑暗.....

在另一世界裏

「終於把怒的力量引導出來了，不錯，妒。各位，罪已經甦醒，快準備下一次的XX
XXXXX！」

「是！」

站在他身後的五人齊聲答道。

高傲的男人站在世界最高處，即使微風輕輕地安撫著他，也不能吹散他那令人恐懼的氣場，嘴角表露出自信的笑容，好像世事早已被他猜透，不可一世地俯視著下面那一個又一個的螻蟻，慢慢地道出。

第六章：來龍去脈

「啊...啊...好痛.....」

「你終於醒啦，嚟，飲淡水先。」

「唔...唔該。」

一個陌生男仔坐咗係我身邊

「你...你係邊個，點解你會係到架？」

「我叫風映，你呢。」

「我叫七刃。」

「你.....唔記得曬之前發生嘅野？」

之前發生嘅野？

啊.....我記起啦

無錯.....成村人...啊森...啊芳...

小.....小希

一記起呢到，我啲眼淚就好不自覺咁流咗出泥，一滴一滴伴隨住我嘅痛哭聲而墜落係地面。男仔無聲地坐係我身邊，以行動安慰住我。

「喂，好啲味啊，係個男人就堅強啲啦，係度喊苦喊怨成個女人咁。」

「呃.....唔...唔好意思...」

「唉，我都明白好難接受嘅，畢竟死左咁多人。」

「.....」

「係呢，啲強盜呢？」

「吓.....你講緊咩啊，啲強盜咪比你殺曬囉。」

風映用個望住個怪人咁嘅樣望住我，搞到我都有啲想打獲佢。

「我...殺曬？」

「哇大佬，頭先你幾威啊，一個打十個咁，成個人變曬啊，我都係見你殺曬佢地，好似好叻咁，先夠膽出泥制服你，幾驚你當我係佢地一份子，殺埋我啊。你唔記得曬咩？」

風映滔滔不絕，繪聲繪色咁形容住。

「咪住，你話我變到好強？咁點解你可以制服到我啊？同埋點解你又會係到嘅？」

聽完佢形容之後，即刻充滿警覺性咁望住佢。

「冷...冷靜啲，我話曬都將會係魔武學園入面嘅魔鬥者，都算係有小小實力嘅。同埋我只係經過架炸，信唔信由你。」

「魔武學園...魔鬥者？」

「我都知你唔會相信我架啦，比你睇啲野你就知道之前發生左啲咩事。」

講完，佢就將一隻手放係自己個頭，一隻手放係我個腦到。

「喂！停手，做咩啊？！」

「冷靜啲先，我呢個係精神魔法——記憶搜索，可以將人地嘅記憶重播一次比佢睇，咁樣你咪知道我有無呃你囉。」

無數嘅影像好似走馬燈一樣，係我腦裏面重播一次。

「呢個世界就係咁殘酷

既然你不仁

就唔好怪我不義！」

「大.....大佬，條友好似痴咗線咁樣喎。」

「唔洗理佢，痴極都係一個普通人，點都唔會夠我地打嘅，了結左佢之後就快啲休息，聽日仲有第二個村落架。」

「係，大佬。」

嘍囉一步一步咁行過嚟，表情輕鬆，就好似好不屑去做呢件事咁，擺起斧頭，準備斬落嚟。

我慢慢咁抬起頭，一隻血紅嘅眼睛直視住佢，跟住落嚟嘅一幕.....

唔話比你知~！！！！

我無等到佢反應，直接用手將佢條頸擰甩。

享受左一陣首殺嘅滋味之後，我終於有下一步嘅行動。今次特別嘅係我雙手不斷變出武器，劍、刀、匕首等等，而且我仲好似對呢啲武器好熟手，用起上嚟完全無陌生嘅感覺，就好似啲武器係我手嘅一部份咁，駕輕就熟。

紅色嘅光點不斷係人群之中穿插，所到之處必有一番腥風血雨，令到所有人都感到震驚。

「大佬，快...快啲走啊！啊~~！！！！！」

當首領意識到事情無咁簡單嘅時候，佢嘅團隊就死淨佢一個。

通紅嘅眼睛係漆黑嘅夜空中同首領對視住，就好似深夜嘅猛獸盯上了獵物一樣，都係咁令人恐懼。

「怪...怪物...惡...惡魔啊！！走開啊！你呢個魔鬼！！走開啊！」

「喂，喂，喂，我呢隻魔鬼都係比你逼出嚟架炸，點可以咁話我架，吱吱吱。不如咁啊，我同你玩個遊戲。

睇下係你走得快，


定我殺得快啊？

你贏左嘅，我比你走，你輸左嘅代價...

就係**死**！」

「救.....救命啊！~~~~~」

最終，一聲清脆嘅骨折聲終結左呢場單方面嘅屠殺，之後就係黑色嘅影像啦。



「呼~边死我啦！」

「所以，全部人都係我殺嘅？」

「係啊，所以咪話你好似變左個人咁囉，個隻紅色嘅眼睛好恐怖，好似支配左你咁啊！係呢，咩嚟架？」

「我...我都唔知，之前都無出現過咁嘅情況。」

「吓...你都唔知？係咪啊...」

「嗯...不過，呢隻眼睛存在住嘅時候，我嘅身體機能好似強化左咁，做到我平時做唔到嘅高難度動作，而且速度、反應同埋力量都提升左.....相信，佢應該都係好野嘢。」

「的確係咁，睇嚟呢個應該係你嘅能力，試下掌握佢啦，呢隻眼，應該會幫到你。」

無錯，呢隻眼會幫到我，我唔想再咁廢啦...唔想再有人係我面前死...唔想再保護唔到我愛嘅人啦...唔想.....真係唔想...

「喂，知唔知邊到可以令我更加快掌握呢隻眼。」

「吓...唔清楚㗎。你呢個情況咁特別，或者你嚟我地學校問下校長會知呢，我地校長好勁架，傳聞就係佢創造魔法出嚟架啦，而且，佢仲實力高強，仲有添啊，佢仲

曾經打敗過龍，殺左龍啊！係龍啊！！弑龍者啊，國皇都要比面佢，你話勁唔勁啊。而且仲有啊.....」

「夠啦夠啦，知你校長勁啦...我就去你學校睇一睇，希望可以搵到令我變得更強嘅方法啦。」

雖然某程度上呢條友都幾似我個朋友，都係一樣咁鳩煩，之但係為左變得更強，只可以信佢一次。

就係咁，我決定左會一會呢間所謂最強魔法學校——魔武學園。

「喂，順帶一問，你係個到嘅學生嚟架？」

「唔係，但將會係。」

「...」

「啊！唔記得同你講，入學嘅話要有錄取通知書。」

「.....」

我無.....

屌，咁你個仆街又叫我去讀??

「不過可以用能力考入去，到時會有個能力試，只要過左就得架啦。」

唉嚇撚死，咁都好啲，姐係話我至少有機會入到。

「啊！」

「又點啊??」

「我又記起一啲野。」

「記得咩啊??」

「我唔記得左點行去囉。」

「.....」

導演！！！！

呢個仆街邊個請返嚟架！！！！